

ris an duine a ghnà^a, do bhri' gur feoil a mhàin e^b: gideadh bithidh a lathan ceud agus fichead bliadhna.

4 Bha fannhairean^c air an talamh 'sna laithibh sin; agus mar an ceudna 'na dhéigh sin, 'nuair a thàinig mic Dhé a steach a chum nigheana dhaoine, agus a rug iad clann dhoibh, dh'fhas iad sin 'nan daoineibh treuna, a bha o shean 'nan daoineibh ainmeil.

5 Agus chunnaic an Tighearna gu'n bu mhor aingidheachd an duine air an talamh, agus gu'n robh uile bhreithneachadh sinuaintean a chridhe a mhàin olc gach aon là^d.

6 Agus b' aithreach leis an Tighearna gu'n d' rinn e 'n duine air an talamh, agus thog e doilgheas^e da 'na chridhe.

7 Agus thubhairt an Tighearna, Sgrìofaidh mi 'n duine, a chruthaich mi, bhàrr aghaidh na talmhainn, araon duine agus ainmhidh, agus an creutair a fhnàigeas, agus eunlaith nan speur; oir is aithreach leam gu'n d' rinn mi iad.

8 Ach fhuair Noah deaghghean^f ann an fùilibh an Tigh-carna.

9 'S iad so ginealaich Noah: Bha Noah 'nadh duine cothromach^g, agus iomlan 'na linn^h; agus ghluais Noah maille reⁱ Dia.

10 Agus ghin Noah triuir mhac, Sem, Ham, agus Iaphet.

11 Agus bha 'n talamh truailidh am fianais Dé, agus lìonadh an talamh le foirneart.

12 Agus dh'amhairc Dia air an talamh, agus feuch, bha e

truailidh; oir thruaill gach uile fheoil a slighe air an talamh.

13 Agus thubhairt Dia re Noah, Thàinig crìoch gach uile fheòla a'm' fhianuis; oir tha'n talamh air a lìonadh le foirneart d'an trid-fan^j: agus feuch, sgrìofaidh mise iad maille ris an talamh.

14 Dean dhuit féin àirc do fhìodh ghopher; fèomraichean ni thu 'fan àirc^k, agus còmhdaichidh tu i sligh agus a muigh le pic.

15 Agus fo a' chumachd air an dean thu i: Tri cheud làmh-choille^l fad na h-àirce, leth-cheud làmh-choille a leud, agus deich 'ar fhichead^m làmh-choille a h-àirde.

16 Uinneagⁿ ni thu do'n àirc, agus 'an làmh-choille crìochnaichidh tu i 'na mullach^o; agus dorus na h-àirce cuiridh tu 'na taobh: le lobhtaibh iochdrach, meadhonach^p, agus uachdrach^q ni thu i.

17 Agus feuch, bheir mise, eadhon mise, dile uisgeachan air an talamh, a sgrìos gach uile fheòla, anns am bheil anail na beatha fuidh^r nèamh: agus gheibh gach ni a ta air an talamh bàs.

18 Ach daingnichidh mi mo choi'-cheangal^s riut^t: agus thèid thu a steach do'n àirc, thu fèin, agus do mhic, agus do bhean, agus mnàir^u do mhac maille riut.

19 Agus do gach uile ni beo do'n uile fheoil, dithis do gach fèorta^v bheir thu steach do'n àirc, gu'n gleidheadh beò maille riut:

B

†

^a ghnàch. ^b gur feoil efan mar an ceudna. ^c fannhairean, curaidhean, aitheich. ^d 'an còmhnuidh, daonan. ^e cràdh, mulad. ^f fàbhor. ^g ceart, ionruic. ^h 'na ghinealachaidh. ⁱ ri. ^j le h-urchoid leo-fan. ^k 'na fèomraichibh beaga ni thu an àirc. ^l bann-lamh. ^m deich thar fhichead. ⁿ Fuinneog. Eir. ^o os cionn. ^p dara. ^q treas. ^r fo. ^s mo chunradh, mo chumhnant. ^t m'athan. ^u fèorta.